

新刊經  
進詳註

昌黎先生文

九

宋蜀刻本唐人集



YZLI0890174426

本社  
編

# 宋蜀刻本唐人



YZL0890174425

第三十九册

〔唐〕韓愈撰〔宋〕文謙注王儔補注

昌黎先生集  
新刊經義詳註

顧廷龍題



新刊經進詳補註昌黎先生文集卷第三

表狀

論捕賊行賞表

唐史云王承宗李師道二鎮上疏請赦  
吳元濟使人白事書悖慢不恭宰相  
武元衡叱去承宗怒數上章誣詆未幾  
乃伏盜京師刺用事者元衡入朝出靖  
安里第夜漏未盡賊乘暗呼曰滅燭射  
元衡中肩復擊其左股徒御格鬪不勝  
皆駭走遂宮元衡批顱骨持去又擊裴  
度墜溝賊意度死遂亡邏司傳譟盜殺  
宰相連十餘里達朝堂百官恟懼未知  
主名少選馬逸還第中外乃審知時元  
和十年六月癸卯也日仗入紫宸門  
有司以聞帝震驚罷朝坐延英見宰相  
哀慟為再不食詔金吾府縣大索或傳  
言曰無搜賊賊窮必亂又投書於道曰

廿乙



無急我我先殺汝故吏卒不窮捕兵部侍郎許孟容言於帝曰國相橫尸路隅而盜不獲為朝廷辱帝乃下詔能得賊者賞錢千萬授五品官與賊謀及舍賊能自言者亦賞有不如詔族之積錢東西市以募告者於是左神策將軍王士則右威衛將軍王士平以賊聞捕得張安等十八人言為承宗所遣皆斬之踰月東都防禦使呂元膺執淄青留邸賊門察訾嘉珍自言始謀殺元衡者會晏先發故藉之以告師道而竊其賞帝密誅之補註新史王承宗李師道所書如上所云公此狀未獲嘉珍前所上也故云今下手賊等四分之內已得其三其

余兩人蓋不足計兩人謂嘉珍察士則士平皆承宗諸父十二年蔡平王承宗以十三年獻德棣二州朝廷赦其罪師道以十四年二月伏誅云

臣愈言臣伏見六月八日勅以狂賊傷害宰臣

擒捕未獲陛下悲傷震悼形於寢食特降詔書  
明立條格去有能捉獲賊者賜錢萬貫仍加超  
授今下手賊等四分之內已得其三其餘兩人  
蓋不足計根尋蹤跡知自承宗再降明詔絕其  
朝請又與王士則士平等官八日之制無不行  
者獨有賞錢尚未賜給群情疑惑未測聖心聞  
初載錢置市之日市中觀者日數萬人巡繞瞻  
視咨嗟嘆息既去復來以至日暮百姓小人重  
財輕義不能深達事體但見不給其賞便以爲  
朝廷愛惜此錢不守言信自近傳遠無由辨明

且出賞所以求賊今賊已誅斬若無人捉獲國  
家何因得此賊而正刑法也承宗何故而賜誅  
絕也士平士則何故與美官也三事既因獲賊  
獲賊必有其人不給賞錢實亦難曉假如聖心  
獨有所見審知不合加賞其如天下百姓及後  
代之久遠之人哉況今元濟承宗尚未擒滅兩河之地  
太半未收隴右河西皆沒戎狄所宜大明約束  
使信在言前號令指麾以圖功利況自陛下即  
位以來繼有不績斬楊惠琳收夏州斬劉闢收  
劔南東西川斬李錡收江東縛盧從史收澤潞

等五州威德所加兵不汚刃收魏博等六州致張  
茂昭張愔收易定徐泗濠等五州創業已來列聖  
功德未有能高於陛下者可謂巍巍赫赫光照前  
後矣此由天授陛下神聖英武之德爲巨唐中興  
之君宗廟神靈所共佑助勉強不已守之以信則  
故地不足收而太平不難致如乘快馬行平路遲  
速進退自由其心有所欲往無不可者於此之時  
特宜示人以信孔子欲存信去食人非食不生尚  
欲捨生以存信況可無故而輕棄也昔秦孝公用  
商鞅爲相欲富國強兵行令於國恐人不信立三

古事一

丈之木於市南門募人有能徙置北門者與五十  
金有一人徙之輒與五十金秦人以君言爲必信  
法令大行國富兵強無敵天下見史記商君傳三丈之木  
非難徙也徙之非有功也孝公輒與之金者所以  
示其言之必信信一無也昔周成王尚小與其弟叔  
虞爲戲削梧葉爲珪曰以晉封汝其臣史佚請擇  
日立叔虞爲侯成王曰吾與之戲耳史佚曰天子  
無戲言言之則史書之禮成之樂歌之於是遂封  
叔虞於晉史記世家昔漢高祖出黃金四萬斤與陳平  
恣其所爲不問出入令謀項羽平用金間楚數在

之間漢得天下論者皆言漢高祖深遠於利能

以金四萬斤至得天下

見前漢陳平傳

以此觀之自古

已來未有不信其言而能有大功者亦未有不

費小財而能收大利者

一有也字

臣於告

一有捕字

賊之

人本無恩義彼雖獲賞了不關臣所以區區盡

言不避煩黷者欲令陛下之信行於天下也伏

望恕臣愚陋僻忝之罪而收其懇款誠至之心

天下之幸非臣之幸也謹奉表以聞臣愈誠惶

誠恐

公此狀未獲嘉珍察前所上也故云今下手賊等四分之內已得其三其餘兩人蓋

不足計兩人謂嘉珍察也士則士平皆承宗諸父十二年蔡平王承宗以十三年獻德棣二州

朝廷赦其罪師道以  
十四年二月伏誅

# 論佛骨表

舊史云鳳翔佛法門寺有護國真身塔塔  
內有釋迦文佛指骨一節其書本傳法  
三十年一開開則歲豐人泰十四年正  
月上令中使杜英奇押宮人三十人持  
香花赴臨臯驛迎佛骨自光順門入大  
內留禁中三日乃送諸寺王公士庶奔  
走捨施惟恐在後百姓有廢業破產燒  
頂灼臂而求供養者愈素不喜佛上疏  
諫疏奏憲宗怒甚間一日出疏以示宰  
臣將加極法裴度崔群奏曰韓愈上忤  
尊聽誠宜得罪然而非內懷忠懇不避  
黜責豈能至此伏乞稍賜寬容以來諫  
者上曰愈言我奉佛太過我猶容之至  
謂東漢奉佛之後帝王咸致夭促何言  
之乖刺也愈爲人臣敢尔狂妄固不可  
赦于持人情驚惋乃至國戚諸貴亦以

罪愈太重因事言之乃貶為潮州刺史  
承刺音來葛切皇甫湜送僧簡往潮州  
序曰昌黎韓公既貶于潮浮屠之徒權  
使以排獨師憤起訪予求序行以資適  
潮不顧蛇山鯁水之險毒若將朝進見  
而夕死者審如斯言亦可尚矣補註司  
馬考異云梁紀中大同三年三月幸同  
泰寺典畧云詔以今月八日於同泰寺  
設無遮大會舍身及以宮人洪養三寶  
按佛骨表云三度舍身若此則四矣今  
從梁書

臣某言伏以

一作

佛者夷狄之一法耳自後漢

時

舊史有始字

流入中國上古未嘗有也

景祐錄云古佛應世

綿歷無窮不可以周知而悉數故追談賢劫有  
千如來暨于釋迦牟尼佛滅後一千一十七年  
教至中夏即後漢明帝永平十年戊辰也辨說  
云梁劉孝標注世說新語引劉向列傳序曰歷

觀百家之中以相檢驗得仙者百四十六人其  
十人已在佛經即如此說則漢成哀間已  
有佛經矣漢武故事曰是邪王殺休屠王以其  
衆來降得其金人之神上置之甘泉宮金人者  
者長文餘其祭不用牛羊惟燒香禮拜上使依  
其國俗祀之此神全類於佛豈當漢武時其經  
未行於中土而但以神明事之耶開皇歷代三  
寶託六平帝世大夫劉向稱余覽典籍往見有  
佛經及刪列仙傳云自六代迄于今七百餘  
人定得一百四十六人其七十四人已入佛經  
則知周時已有釋典秦雖焚除漢興復出也以  
此考之佛像始至自武帝時佛經再顯自明帝  
有佛尚矣之昔者一無黃帝在位百年年一百  
一十歲姓帝王世紀曰黃帝有熊氏少典之子姬  
在位百年年少昊在位八十年年一百歲少昊  
字青陽姬姓降居江水有聖德邑于窮桑以登  
帝位都曲阜即圖讖所謂白帝朱宣者也故稱

少昊金天氏左傳郊子曰我少昊摯之立是也而史遷乃以帝嚳娶嫫訾氏生摯嚳崩而摯氏立誤  
 顓頊在位七十九年年九十八歲帝顓頊高陽黃  
帝之孫昌 帝嚳在位七十年年一百五歲帝嚳高辛  
氏黃帝之曾孫 帝堯在位九十八年年一百一十八歲  
帝嚳娶陳鋒女生 帝舜及禹年皆百歲帝舜黃放鄭是為帝堯  
世孫禹為黃 此時天下太平百姓安樂壽考然帝之元孫  
而舊史無此字 此時中國未有佛也其後殷湯亦年  
 百歲湯孫太戊在位七十五年武丁在位五十  
 九年書史不言其壽所極舊史有推其年數字 蓋亦俱年  
 不減百歲太戊者成湯之玄孫廟號中宗武丁者盤庚弟小乙之子廟號高宗 周

草廿九

文王年九十七歲武王年九十三歲穆王在位

百年

武王名發文王之子穆王名滿成王曾孫

此時佛法亦未至中

國非因事佛而至然

舊史作致此

也漢明帝時始有

佛法明帝在位纔十八年耳

見送惠師詩

其後亂亡

相繼運祚不長宋齊梁陳元魏已下事佛漸謹

年代尤促

宋永初元年至於汝陰王昇明二年凡五十九年南齊建元二年至于巴

陵王中興元年至於梁天監元年至於江陵王太平元年至於陳永宋元年至

于孝宣大建十二年凡二十四年後魏元氏十四年通東西一百七十一年

惟梁武

帝在位四十九年前後三度捨身施佛宗廟之

舊史無之字

祭不用牲牢盡

舊史作畫

日一食止於菜菓

其後竟為侯景所逼餓死臺城國亦尋滅

建康錄梁

高祖武皇帝姓蕭名衍字叔達禪齊位大通元年創國泰寺于宮後帝幸寺捨身六月都下疫甚帝於重雲殿為萬姓設救苦齊以億萬奉禱親御法衣清淨大捨九月癸卯群臣以億萬奉禱親皇帝十二年又幸寺講三惠經捨身為奴四月皇太子已下群臣出鐵億萬奉贖是夜同泰寺為天火所燒略盡太清元年東魏司徒濮陽侯景率河南十三州歸降壬午以景為大將軍封河南王大行臺承制如鄧禹故事乙巳帝外光嚴殿講三惠經又捨身群臣以億萬奉贖眾僧嘿然丁亥服袈裟還宮二年八月侯景敗歸自壽陽舉兵攻陷宮城縱兵大掠帝為賊幽餒而崩朝野僉載云梁武帝殺南齊主東昏侯以取其位誅殺甚眾死之日侯景生焉後景亂梁破誅梁子弟略無孑遺時人以為景東昏侯之後身也浮休錄云臺城寺在今陵城內北附城闕地也

事佛求福反舊吏更

章廿九

得禍由此觀之佛不足事舊史亦可知矣高祖

始受隋禪則舊史議除之當時群臣材識舊史

見不遠不能深知舊史先王之道古今之宜推

闡明聖以救斯弊其事遂止臣常恨焉伏惟睿

聖文武皇帝陛下神聖英武數百千年已來未

有倫比即位之初不許度人爲僧尼道士又不

許創舊史立寺觀臣常舊史以爲高祖之志必

行於陛下之手今縱未能即行豈可恣之轉令

盛也今聞陛下令群僧迎佛骨於鳳翔御樓以

觀昇舊史入大內又令諸寺迺迎供養臣雖至